

Ein gut gesicht zu behalten.

Mische den wein allemal mit fenchel wasser / odder brenne Poley wasser vnd netze ein leynen tuch darein / vnd legs vber die augen nach dem bade / Oder isse Fenchel zucker vor dem schlaffgang vnd fru nüchtern.

Ein Anders.

Brich ein heys gerstenbrod von einander / vnd wirff kumel darauff / das halt also warm zun augen / es hilfft vbermessig sehr.

Zu den Ohren.

Ob ein die Ohren verfallen / das er nicht wol gehören mag / der neme ein gallen eing wyders / temperier die mit frawen gespinn vnd trayse das ynn die ohren.

Ein anders.

Nym Maden aus einem ames hauffen / znmale die mit frawen gespinn vnd ole / geus es ynn die ohren.

Ein anders.

Zerstos hauswurtz / vnd drück's durch ein tuch / vnd trayff es ynn die ohren.

Würme zuuertreiben ynn ohren.

Zureibe pfiersingbletter / vnd thu den safft ynn die ohren.

Zum gehöre ein anders.

Nym Loröle vnd Kettig safft zusammen / thus ynn die ohren / ein tropffen odder zween / als warm du es leiden magst / ynn einem schweysbade / thu das drey odder vier bad / es hilfft dich wol.

So ohrheller ynn die ohren komen.

Nym ein Granat apffel vnd schneide yhn entzwey / vnd halte yhn fur das ohre / so gehen sie heraus.

Wenn einer nicht wol gehört.

Brat ein Muscaten ynn der Kachel odder bey dem feuer / das isse vnd kew es lang / dieweil es warm sey / vnd verhebe